

臨證醫案筆記目錄

第五卷

婦人經脉類

胎孕

產育

產後

乳病

婦人雜證

臨證醫案筆記卷之五

如臯吳 麓渭泉著

男 丙輝燮堂
恩照耿齋 恭校
後學曹炳章赤電校刊

婦人經脉類

經不調

秀氏脉虛遲細此氣血兩虛脾胃並弱故致月經不調腰痠腹脹飲食少思肢體倦怠宜服益母八珍丸加沉香補骨脂益智仁資益坤元補養氣血使淋帶除形體壯經水調則諸病自已

朱氏月信不調虛熱盜汗食少不眠胸脇脹痛按脉弱弦數係思慮傷勞心虛血少肝鬱氣滯且氣為血配氣滯則血亦不能行故月候不調也當服歸脾湯加陳皮續斷補心益脾舒肝令氣調而血和則經行有常自無諸疾之虞

程氏經水不調頭暈胸滿心腹刺痛診兩寸浮數左關弦急乃胞脉心肺火盛陰虛有熱肝鬱血滯所致宜服奇效四物湯加鬱金香附澤蘭葉丹皮以養血舒氣使陰血充盈而陽火自平

血熱經早

馮氏月經先期腹中脹痛脉滑弦數係營衛不足肝脾血燥血虛有熱而然按王子亨曰經者常候也故每月一至太過不及皆為不調陽太過則先期而至陰不足則後時而來即服奇效四物湯加香附續斷益母草以滋陰涼血則經水自調

康氏年逾四旬經水先期淋漓不斷食減體瘦腰痠腹痛脉弱遲細乃憂思勞傷心脾氣血虛寒不能固攝而經早不及期也宜投歸脾湯加杜仲續斷五味子熟附以補心脾若作血熱火治恐有氣血敗亂之虞

柳氏經脉先期帶濁不止甚至兼旬或半月而來者診脉虛數大此血海有熱陰虛多火故經早而過多按朱丹溪曰先期而至者血熱也後期而至者血虛也當服約陰丸以涼血滋陰兼固澮之

景氏按脉洪弦數係陰虧內熱怒火動血蓋血熱則善流所以先期而來色紫而濃凡血熱者多有先期而至也即用約陰煎加女貞子龜板丹皮以滋陰清火

血熱經遲

阿氏月經過期色紫成塊脉息浮數乃陰火內燦血熱而亦每愆期者皆水虧血少燥澀而然也當用加減一陰煎加當歸阿膠女貞子以清火滋陰養血

血寒經遲

馬氏形氣虛弱脉沉細澁此陽氣不足則寒從中生而生化失期故血寒經遲色淡不鮮也宜投大營煎加炮薑熟附吳茱萸以溫養血氣

痰阻經遲

張氏經水後期其來澁少視其形體肥盛脉滑而虛乃肝經血少氣虛而痰滯於經絡也即服芎歸六君子湯使氣行則痰行而經水自調

血虛經亂

韓氏月事忽遲忽早經多不調色淡而少行後反疼察其形色薄弱脉沉細澁此三陰虧弱肝虛不能藏血脾土虛陷不能統攝營氣以致血虛經亂也宜用人參養榮湯加附子得此溫補自然漸愈

經期腹痛

遠氏每逢經期腹必作痛行後亦痛肢體困倦飲食減少診脉虛沉細此稟質羸弱氣血虛寒所謂經期虛痛者於既行之後血去而痛益甚也當服大營煎加熟附故紙炮薑溫補自愈祝氏脉大弦勁係氣滯血積血瘀不行故經行作疼痛極拒按俟經通而痛乃減也即用通瘀煎加牛膝桃仁使氣順瘀行而痛自止

潘氏過經期必作痛經通而痛才減診脉旺弦急乃氣逆血滯凝結不行則留聚而為實痛宜

服薑黃散以逐瘀止痛

薑黃

當歸

蓬朮

紅花

桂心

川芎

元胡索

丹皮

水酒各半煎服

杜女十二歲月經已通因喜食水果不慎寒涼每經後臍腹撮痛按脉沉遲細乃先天薄弱肝脾血虛寒氣客於血室以致血氣凝滯經後腹痛也即用溫經湯為宜

黨參

牛膝

甘草

當歸

川芎

芍藥

牡丹皮

蓮朮

桂心

水煎溫服

崩淋經漏不止

金氏脉弦數大乃陰虛陽搏為熱所乘致傷衝任血得熱而妄行也宜甘涼清熱兼以固澀自效

生地

芍藥

續斷

黃芩

丹皮

山梔

棕灰

側柏葉

炒黑

水二鍾烏梅二枚煎七分食遠溫服

劉氏患崩漏不止虛損羸瘦腹痛肢冷按脉沉遲細乃中氣虛寒脾胃傷損故不能統血而妄行衝任經虛故月水過多淋瀝不斷也當用附子理中湯專補脾陰使脾胃氣強則陽生陰長而血自歸經矣

范氏月水非時而行淋漓不斷忽血下不止頭目眩暈腰腹脹痛診脉虛細數乃肝脾俱虛營

氣不足血不能調而妄行者經曰陰虛陽搏謂之崩又云脾統血肝藏血二經虧損則經血暴下失期而來久而不止致成崩中是也宜用惜紅煎加杜仲香附使經固崩止則諸疾自瘥

宋氏經行不止紫黑成塊按脉數疾係勞動過度損傷臟腑衝任之氣虛不能約制經血故經多漏下其色黑成塊者熱甚大極似水也當服固經丸

額氏脉弦數大乃陰虛血熱火盛迫血妄行以致崩淋不止當進從薪飲加丹參續斷先以清之其血自止

鵠氏按脉虛數係心脾鬱結勞損氣血致傷衝任之源故月水過多淋瀝不斷也宜投膠艾湯以養血益陰補陽則經候自調矣

朱氏苦節無嗣時多憂慮致患崩淋不止診脉弦數由於憂思鬱怒先損心脾次及衝任故血因崩去勢必漸少少而不止病則為淋即用歸脾湯加柴胡山梔丹皮以冀漸痊

月水不斷

文氏月水不斷淋瀝無時按脉沉遲細此勞損氣血鬱結傷脾以致氣虛不能攝血當用歸脾湯加炮薑蓮房灰陳棕灰藕節自效

殺血心痛

汪氏血崩而心痛甚診脉虛大無力由於陰血耗散心脾血虛而為殺血心痛宜宗立齋用烏賊魚骨丸以收斂之

烏賊魚骨

去甲四兩

蘆茹

一兩即茜根

為末以雀卵搗丸小豆大每服五七丸鮑魚煎湯下以飯壓之鮑魚即今之淡乾魚也

勝氏說血崩年餘兼患心氣疼痛諸藥不應余曰面色黃瘦脉虛細澀蓋心主血去血過多心無所養以致作痛即投十全大補湯專用甘溫以養營氣遂服十劑小效以原方加北五味人參倍之服藥兩月而獲全愈

熱入血室

駕部周象九述女兒月前感冒適逢經至客邪治退惟晝則神清安靜夜則寒熱譫語似成癡疾百余曰脉虛弦數邪氣雖退但元氣虛弱尚有餘熱未盡以致熱入血室非瘧疾也當服四柴胡飲加山梔貝母芍藥以培助正氣兼之和解清熱庶可全瘥

清氏患寒熱往來口苦脇脹脉浮滑數條感冒風寒邪當傳裏月經適至則邪不入府乘虛而入血室所致血室衝脉也宜用小柴胡湯加川芎薄荷青皮和解之劑用以分理陰陽調和營衛自愈

徐氏脉弦勁而數緣勞怒鬱結血燥陰虛發熱值經水適來則熱邪乘虛而入血室熱與血搏

結而不行致有寒熱如瘧暮則譫語如見鬼狀也用加味一柴胡飲以和解涼散之

血枯經閉

官謦秦易堂云女兒自幼性傲多病出閣後月信杳然夜熱盜汗形氣羸弱飲食日減余曰脉弦細數乃思慮過度血虛肝燥蓋憂愁則傷心而血逆氣滯神色先散故月水先閉阻隔不通也宜服八味逍遙散加牡蠣貝母先抑肝氣兼以解鬱行經服數劑其效改用加味柏子仁丸服之而愈

京卿查小山述大女經水久已不通通來骨蒸發熱飲食少思百治罔效余云脉大弦數由於陰虛血燥胞絡火盛因過服溫補陽藥以致火炎水竭真陰銷鑠故血枯經閉使然即用清骨散先清肌骨勞熱再論活血調經之法遂服十劑其效易以八味逍遙散及調衛養榮湯澤蘭湯逐日隨症更方調治兩月諸症悉退惟經水不通遂為定此丸方服之未及三月不惟血活經行而體氣飲食俱勝常矣

柏子仁

牛膝

卷柏

澤蘭葉

續斷

熟地黃

歸尾

赤芍

阿膠

丹參

延胡索

劉寄奴

紅花

炒研為末用益母膏煉蜜為丸桐子大空心每服三五錢開水送下

佟氏經水不行腰痠腹疼帶濁頻下瘦弱不孕飲食不甘脉沉遲細係氣血虛寒肝鬱氣滯衝

任經傷不能滋養百骸以致勞怯經閉不行當投毓麟珠加補骨脂肉桂沉香溫補下元益氣養血使雪消則春水自來血盈則經脉自至而諸疾悉瘳矣

癥瘕類

血癥恩氏月事不利臍腹脹痛痞塊成形根盤不散按脉虛弦數此由產後內傷生冷外受風寒以

致瘀血停蓄而為血癥之疾即用決津煎加紅花香附則血無不行痛無不止

葉氏脇下痞塊日漸堅硬不移臍腹刺痛經脉不利診脉弦急而數係恚怒傷肝氣滯血積則

氣逆而血留皆由血動之時餘血未淨而一有所逆則留滯不行致成血癥矣宜服通瘀煎

加肉桂牛膝以活血行滯止痛外以阿魏膏貼之并用熨痞方法可期奏效

食癥馬氏腹旁生一痞塊堅頑脹痛經年診兩關弦急而滑此緣氣逆血滯飲食疊進不能消化則

留聚而為癥痞也當內服消痞核桃方外以熨痞方熨之

嚴氏云去年食後生氣即左脇作脹漸至成塊今堅硬時痛余診左關弦勁右關沉滑此由飽

餐後忿怒氣逆飲食留聚不消則積而成癥矣即用枳實消痞丸以行氣開鬱使氣足脾運

而癥乃化也按薛立齋曰大抵食積痞塊之症為有形蓋邪氣勝則實真氣奪則虛當養正

闢邪而積自除矣

阿氏腹患痞塊有年得冷則作痛脉弱沉滑乃飲食失節脾胃虧損邪正相搏積於腹中牢固

不動而成癥瘕即用歸芍六君子加莖遂三稜專補脾土佐以疏導外貼阿魏膏羅謙甫曰
養正積自除也

血癥

錢氏經水不調小腹內結一塊疼痛作脹按脉弦數乃肝脾鬱結瘀血凝聚而成癥伏於隱僻
之處盤結膠固非攻伐之不易平也即用牡丹皮散以行其血中氣滯氣中血滯使氣血週
流則結者散矣

常氏述小產後因食水果即月事不通腹中生塊能大能小腹疼痛余診脉弦滑數此產之
後不避生冷飲食動傷臟腑故致經脉閉積不通凝而為癥也當先用三稜煎以疏導為主
繼以養血調氣之品俟經行則癥自消矣

氣癥

黃氏腹中生塊或聚或散痛無定處月水不行診左關弦急由於鬱怒傷肝氣逆脹滿陰滯凝
結而成氣癥經曰女子帶下瘕聚蓋瘕者假也假者無形而可聚可散者也即用解肝煎以
順氣平肝氣行則血行經調則瘕散痛止

甘氏小腹積塊而未成形忽大忽小月事不通余曰脉虛而弦乃氣滯血聚故每氣逆則甚氣
散則緩聚散無根而為氣癥之瘕宜用調經飲加烏藥官桂使氣調則痛止瘕散

石瘕

和氏月候不行其腹漸大脉弦遲小此因經行時寒氣入自陰中客於胞門遂致經血凝聚而
為石瘕也即用四物湯加肉桂莪朮牛膝故紙小茴甘草薑棗煎服自效

酒瘕

朱氏

據述臍下結塊隨氣上下胸腹痞塞脹痛小水不利穀食不納得酒則少安不得則嘔逆

而昏睡身重面黃肌瘦余曰脉虛遲細此由過飲無度濕熱之毒積於腸胃致中氣受傷而為酒瘕即酒積也宜用葛花解醒湯以溫中利濕則積瘕自消

疝瘕

承氏

云小腹結塊年餘腹脇脹痛有時移動逆氣上攻月信不准余診脉遲弦急此由臟腑虛

弱陰氣積內經行又不忘生冷致為寒邪所襲營衛不調而成疝瘕經曰任脉為病男子內結七疝女子帶下瘕聚蓋疝者痛也瘕者假也但女子不謂之疝而謂之瘕當投導氣湯加芎歸荔枝核用辛溫以行氣祛寒則瘕消而痛止

婦人經脉諸劑

益母八珍丸

人參

白朮

茯苓

川芎

當歸

熟地

炙甘草

芍藥

益母草

為末煉蜜丸桐子大空心蜜湯或酒下一丸或為小丸亦可

澤蘭湯

澤蘭葉

當歸

芍藥

甘草

調衛養榮湯

當歸

生地

麥冬

沙參

陳皮

白朮

牡丹皮

地骨皮

柴胡稍

桔梗

穀芽

甘草

加蓮子薑棗水煎服

固經丸 治經行不止及崩中漏下紫黑成塊

龜板 芍藥 黃柏 黃芩 香附 樗皮 酒丸服

芎歸六君子湯 治經水後期其來澹少形體肥盛體肥而經水後期澹少者氣虛而痰滯於

經絡也 當歸 芎藭 人參 白朮 茯苓

甘草 橘紅 半夏 加薑煎

牡丹皮散 治血瘕 丹皮 桂心 歸尾 延胡索

牛膝 赤芍 莪朮 三稜 水酒各半煎

清骨散 銀柴胡 胡黃連 秦艽 鱉甲 地骨皮

青蒿 知母 甘草

毓麟珠 治婦人氣血俱虛經脉不調或斷續或帶濁或腹痛或腰痠或飲食不甘瘦弱不孕

服一二劑即可受胎凡種子諸方無以加此

人參 白朮 茯苓 芍藥 川芎 當歸

炙草 熟地 兔絲子 杜仲 鹿角霜 川椒

通瘀煎 治婦人氣滯血積經脉不利痛極拒按及產後瘀血實痛并男婦血逆血厥等症

歸尾 香附 紅花 烏藥 山楂 青皮

木香

澤瀉

從新飲 治三焦凡火一切內熱漸覺血未甚者先宜清以此劑其甚者宜抽薪飲

陳皮

黃芩

麥冬

芍藥

黃柏

茯苓

牡丹皮

四柴胡飲 四為金數從氣分也 凡人元氣不足或忍飢勞倦而外感風寒或六脉緊數微

細正不勝邪等症必須培助元氣

柴胡

炙甘草

生薑

當歸

人參

水二鍾煎七分溫服

惜紅煎 治婦人經血不固崩漏不止及腸風下血等症

白朮

山藥

炙草

地榆

續斷

芍藥

北五味

烏梅

荊芥穗炒

水煎溫服

三稜煎 治血癥血瘕食積痰滯

莪朮

醋浸炒

三稜

各三兩

青皮

去白

半夏

麥芽

炒各一兩

用好醋一鍾煮乾焙為末醋糊丸桐子大每服三四十丸淡醋湯下痰積薑湯下

調經飲 治婦人經脉阻滯氣逆不調多痛而實者

當歸

錢三五

牛膝

三錢

山查

三錢

香附

二錢

青皮

茯苓

各錢半

水煎食送服

奇效四物湯 治肝經虛熱血沸騰而崩久不止

當歸 酒拌

熟地

白芍

川芎

阿膠 炒

艾葉 炒

黃芩

每服四錢水煎

八味逍遙散

柴胡

當歸

白芍

白朮

茯苓

甘草

丹皮

梔子

加煨薑薄荷煎 本方去丹皮梔子名逍遙散

阿魏膏 治一切瘡塊

羌活

獨活

元參

官桂

赤芍藥

川山甲

生地

兩頭尖

大黃

白芷

天麻

紅花

木鱉 十枚 去壳

槐柳桃枝 各半 兩

亂髮 一團

用麻油二觔四兩煎藥黑去粗入髮再煎髮化仍去粗入上好真正黃丹煎收軟硬得中入

後細藥即成膏矣

阿魏

芒硝

蘇合香

乳香

沒藥 各五錢

麝香 三錢

凡貼膏藥須先用朴硝隨患處鋪半指厚以紙蓋用熱熨斗熨良久如硝耗再加熨之二時許方貼膏藥若是肝積加蘆薈末同熨之

熨瘡方 一層用麝香二三分瘡肉上 二層阿魏一二錢 三層芒硝一二兩鋪蓋於上

先用蕎麥麩和成條量瘡大小圍住鋪藥於內以青布蓋之隨燒熱磚四五塊輪流布上熨

之覺腹中氣行寬快即是痞消之兆以手烘熱摩之亦妙內須服調養氣血之藥

消痞核桃丸

我遂

酒洗

當歸

酒洗

白芥子

急性子

各四兩
俱搗碎

皮硝

海粉

各八兩

大胡桃

百枚

先以羣藥入砂鍋內寬水煮一二沸後入大核桃重五錢者百枚同煮一日夜以重一兩為度取起晾乾先用好膏藥一個摻阿魏一錢麝香半分量痞大小貼住以熱手磨擦每空心服核桃一個三日後二個以至三個服完後須四物湯之類數帖即愈

一柴胡飲 一為水數從寒散也

柴胡

黃芩

芍藥

生地

陳皮

甘草

約陰丸

治婦人血海有熱經脉先期或過多者或兼腎火而帶濁不止及男婦大腸血熱便

紅等症

當歸

白朮

芍藥

生地

茯苓

地榆

黃芩

白石脂

醋煨

北五味

丹參

川續斷

各等

炒研為末蜜丸服

人參養榮湯

十全大補湯

附子理中湯

俱見中風

四物湯

歸脾湯

小柴胡湯

俱見傷寒

大營煎

解肝煎

俱見腹痛

加減一陰煎

見咳嗽